



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Períodu : Jullu 2012

Edisaun : 19 Jullu 2012

Tribunál Ditrítal Baucau la konsegue hala'ó julgamentu ba kazu krime lima tanbá situasaun siguransa la primite

Tuir agenda Tribunál Ditrítal Baucau nian tuir lolos iha loron 16, 17 no 18 sei julga kazu krime hamutuk lima (5). Maibé kazu hirak ne'e la konsegue hala'ó julgamentu tanbá situasaun siguransa la primite, mezmú parte sira (arguidu, vítima no testamuña) sira mai hein iha tribunál.

Diretór Ezekutivu JSMP Luis de Oliveira Sampaio haktuir katak *JSMP rekoñese katak situasaun ne'e ses husi autór judisiáriu nia kapasidade kontrolu, tanbá ne'e, husu ba ema hotu atu ezerse sira nia direitu demokratiku iha maneira ida ne'ebé la prejudika funsionamentu instituisaun estadu sira atu mantein sira nia papel hanesan bai-bain.*

Kazu hirak ne'e klasifikadu hanesan krime roubo 1, kazu krime ofensa ba integridade fízika simple 3 no maus-tratus ba konjuje 1. Kazu lima ne'e, 1 mai husi Sub-distritu Quelecai, 1 husi Distritu Manatuto, no restu mai husi área sira ne'ebé partensia ba bairu sira iha Distritu Baucau laran.

Tuir informasaun ne'ebé JSMP rekolla husi ofisial justisa husi tribunál refere katak kazu hirak ne'e la konsegue realiza julgamentu, tanbá juizes sira desde dia 13 Jullu lokraik tun ba Dili maibé seidak filá fali ba Baucau tanbá situasaun siguransa iha Dili la primite. Maiória majistradu judisiáriu sira hanesan juiz no prokurador nomos defensores públiku sira hotu hela iha Dili. Sira bai-bain filá mai Dili iha fin-de-semana no ba fali servisu iha segunda dader-san.

Relasiona ho situasaun ne'e, ofisial de justisa sira haruka fali parte sira ne'ebé tribunál notífika ona atu ba sira nia uma hodi hein notifikasaun foun.

Atu hetan informasaun kle'an favor kontaktu direktamente:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
Landline: 3323883 / 7295795